



Llywodraeth Cynulliad Cymru  
Welsh Assembly Government

# Diffoddwch hi, yn Llwyr!





**Mae  
Smygu'n  
Lladd!**

**75%** wedi'i ailgylchu

Ar ôl gorffen â'r papur yma,  
cofiwch ei ailgylchu

G/399/07-08  
CMK-22-10-065(008)  
© Hawfrint y Goron 2007

# Gofal piau hi

Mae tanau a achosir gan ddeunyddiau smygu yn lladd mwy o bobl nag unrhyw fath arall o dân.

Mae tanau sy'n gysylltiedig â smygu yn aml yn digwydd yn ystod y nos ar ôl i bobl fynd i'w gwely. Mae pobl yn ymlacio mwy gyda'r nos - ac efallai eu bod wedi cael diod neu ddau, neu wedi blino. Mae'n bwysig cofio y gallai un archwiliad olaf achub eich bywyd chi a'ch teulu.

**Defnyddiwch eich synnwyr  
cyffredin -**

**byddwch yn ymwybodol o'r risgiau  
a gwnewch yn siŵr fod  
eich sigarét  
wedi'i diffodd!**



# Y ffeithiau

- Mae sigarét yn llosgi ar dymheredd o 700°C.
- Mae tybaco yn parhau i losgi - gall fudlosgi'n dawel heb i neb sylwi arno, gan ddechrau tân araf ond angheuol.
- Bob mis mae rhywun yng Nghymru yn marw yn sgil tân sy'n gysylltiedig â smygu, a hyd at 10 person yn cael eu hanafu.
- Mae tân bron un a hanner gwaith yn fwy tebygol o ddigwydd mewn cartrefi lle mae rhywun yn smygu.
- Mae smygwyr bron un a hanner gwaith yn llai tebygol o fod yn berchen ar larwm mwg.



**Mae tybaco  
yn parhau  
i losgi**

# Y risgiau

Os ydych yn smygu mae angen i chi fod yn ymwybodol o'r risgiau tân, a chymryd camau i'w hosgoi:

- Peidiwch â gadael sigarét, sigâr na phib i fudlosgi heb fod neb yno. Gallent syrthio neu gael eu bwrw i'r llawr, a rhoi carped neu bapurau ar dân.
- Byddwch yn ofalus iawn os ydych yn smygu a chithau'n gysglyd, yn cymryd meddyginiaeth, neu o dan ddylanwad alcohol neu gyffuriau. Hawdd iawn yw syrthio i gysgu a pheidio â sylwi bod sigarét yn dal i fudlosgi.
- Peidiwch â smygu yn y gwely.
- Byddwch yn gyfrifol a gwnewch yn siŵr na all plant gael gafael ar ddeunyddiau smygu.
- Defnyddiwch flwch llwch priodol. Gwnewch yn siŵr na all gael ei fwrw i'r llawr yn hawdd a chofiwch ei wagio'n rheolaidd.
- Rhowch y lludw oer mewn bin y tu allan.





Os bydd tân -  
ewch allan,  
arhoswch allan  
a ffoniwch

**999**

I gael archwiliad diogelwch tân am ddim  
yn eich cartref gan eich Gwasanaeth Tân  
ac Achub lleol

ffoniwch **0800 169 1234**

**[www.fflachtan.org](http://www.fflachtan.org)**